



UNIVERZITET U SARAJEVU
FAKULTET ISLAMSKIH NAUKA U SARAJEVU

PROGRAM CJELOŽIVOTNOG OBRAZOVANJA

KURS

UVOD U IZUČAVANJE ISLAMA

PROSPEKT

Sarajevo, januar 2026.

KURS “UVOD U IZUČAVANJE ISLAMA”

Program cjeloživotnog obrazovanja – Kurs “Uvod u izučavanje islama” oslanja se na tradiciju “Diplome u islamskim naukama” koju je Fakultet islamskih nauka Univerziteta u Sarajevu realizirao u periodu od 2002. do 2024. Namijenjen je svima koji žele steći nove uvide i produbiti postojeća znanja o temeljnim pojmovima, vrijednostima i vjerovanjima koja su oblikovala muslimansko mišljenje, duhovnost i umjetnost, te društvene i pravne ustanove, posebno na tlu Bosne i Hercegovine.

Pokretanjem programa cjeloživotnog učenja “Diploma u islamskim naukama” prije više od dvadeset godina, Univerzitet u Sarajevu – Fakultet islamskih nauka želio je dati svoj doprinos ispravnom artikuliranju osnovnih postulata islama i razbijanju brojnih stereotipa o islamu, a modernom čovjeku omogućiti da se na argumentiran način aktivno uključi u brojne debate koje tretiraju pitanja religije i međureligijskog dijaloga.

Program je otvoren za sve koji žele učiti bez obzira na lična uvjerenja i opredjeljenja. Dosadašnji polaznici dolazili su iz različitih sfera društva, bili su to studenti postdiplomci, novinari, diplomate, penzioneri, uposlenici u školstvu, kulturi, politici, upravi i nevladinom sektoru, muslimani i nemuslimani, domaći ljudi i stranci.

Program se u proteklom periodu odvijao u dva odvojena toka – na bosanskom i na engleskom jeziku. Predavanja su se održavala u historijskom ambijentu Fakulteta, čija zgrada potječe iz 1887. godine i značajan je spomenik bosansko-hercegovačke arhitekture iz austrougarskog perioda. Međutim, zbog epidemiološke situacije program je 2021. godine uspješno realizovan u online formatu i tako stekao status međunarodnog programa. Na osnovu pozitivnih iskustava iz tog ciklusa, kao i komentara i sugestija učesnika, Fakultet islamskih nauka odlučio je, uz ovaj, nastaviti i realizaciju ovog programa na drugom nivou, i to u online formatu i uživo na Fakultetu islamskih nauka Univerziteta u Sarajevu. Početkom 2024. godine u ovome formatu je po prvi put realizovan II – napredni nivo kursa pod nazivom “Uvod u izučavanje islama II”.

FAKULTET ISLAMSKIH NAUKA

Fakultet islamskih nauka je najstarija visokoškolska islamska ustanova u Bosni i Hercegovini. Osnovan je 1977. godine kao Islamski teološki fakultet. Nastavljač je višestoljetne tradicije školstva iz doba osmanske uprave, te Šerijatske sudačke škole iz 1887. godine, kasnije preimenovane u Višu islamsku šerijatsko-teološku školu – prve moderne islamske visokoškolske ustanove u našoj zemlji. Fakultet se danas nalazi u zgradi nekadašnje Šerijatske sudačke škole sagrađene u prepoznatljivom neomaurskom stilu. Od septembra 2004. godine Fakultet islamskih nauka djeluje kao pridružena, a od 2013. kao punopravna članica Univerziteta u Sarajevu.

STRUKTURA PROGRAMA

Program obuhvata dvije oblasti podijeljene u ukupno osam modula:

- Uvod u islam (*Kratak pregled historije islama; Uvod u islamsku doktrinu; Islamski sveti tekstovi; Islamsko pravo i etika; Uvod u islamsku filozofiju*) i
- Islam u Bosni i Hercegovini (*Historija muslimanske kulture; Islamske institucije u BiH i Savremeno islamsko mišljenje u BiH*).

Program je ovjeren kao Program cjeloživotnog obrazovanja na Univerzitetu u Sarajevu i nosi 8 (osam) ECTS kredita.

Predavanja će se održavati svakog utorka i četvrtka u periodu od 18:00 do 20:00, u učionici i u online formatu. Detaljan raspored predavanja prema modulima i temama bit će utvrđen i dostavljen učesnicima na početku programa.

Planirano je da program počne u utorak, 24. marta 2026. godine u 18:00 sati te da se završi sredinom mjeseca jula 2026. godine. Dodjela sertifikata planirana je u septembru 2026. godine.

VREDNOVANJE

Za stjecanje certifikata od polaznika programa *Kurs "Uvod u izučavanje islama"* očekuje se:

- pisani rad/esej o odabranoj temi u saradnji sa mentorom;
- u slučaju da kandidati žele ostvariti ECTS bodove, polagat će dodatni ispit sastavljen od pitanja iz svih oblasti koje su slušali kroz ponuđene module.

UVJETI ZA UPIS

Uvjet za pohađanje programa *Kurs "Uvod u izučavanje islama"* jeste:

- univerzitetska diploma iz bilo koje discipline, ili
- diploma četverogodišnje srednje škole i najmanje tri godine radnog iskustva.

TROŠKOVI

Učesnik snosi troškove programa u iznosu 700 KM (sedamsto konvertibilnih maraka). U cijenu je uključen dio literature u digitalnom obliku koji je dostupan na otvorenim portalima i stranicama. Uplata se može realizovati kroz dvije rate u iznosima od po 350 KM (tristo pedeset konvertibilnih maraka). Sve troškove provizije snose učesnici programa, a detalji vezani za uplate, kako iz Bosne i Hercegovine, tako i iz inostranstva, sadržani su u instrukcijama za uplate. Također, učesnici iz inostranstva koji žele umanjiti lične troškove vezane za proviziju, svoje uplate mogu realizovati preko posrednika u Bosni i Hercegovini na način predviđen za uplate iz Bosne i Hercegovine.

U zavisnosti od odabira na obrascu za prijavu, učesnici trebaju izmiriti svoje obaveze uplatom cijelog iznosa ili samo prve rate prije početka predavanja – do 23. marta 2026. godine. Krajnji rok za uplatu druge rate je do 19. maja 2026.

PRIJAVA I REGISTRACIJA

Za upis na program *Kurs "Uvod u izučavanje islama"* potrebno je popuniti prijavni obrazac dostupan na internet stranici Fakulteta islamskih nauka u Sarajevu (<https://fin.unsa.ba/uvod-u-izucavanje-islama/>). Popunjen obrazac s dokumentacijom može se dostaviti putem e-maila: isi@fin.unsa.ba; putem pošte i lično na adresu: Fakultet islamskih nauka, Ćemerlina 54, 71000 Sarajevo; putem faksa: +387 33 251 044; **najkasnije do 06. marta 2026. godine.**

Minimalan broj prijavljenih kandidata za realizaciju Programa je dvadeset.

Sve dodatne informacije mogu se dobiti od koordinatora projekta dr. des. Ahmeda Čolića (isi@fin.unsa.ba) i mr. Emine Kadić (isi@fin.unsa.ba), te od direktora programa prof. dr. dr. Orhana Jašića (isi@fin.unsa.ba).

KONTAKTI

Adresa: Fakultet islamskih nauka, Ćemerlina 54, 71000 Sarajevo

Tel.: 033 251 011

Faks: 033 251 044

Web: <https://fin.unsa.ba/uvod-u-izucavanje-islama/>



MODULI

I ISLAMSKI TEKSTOVI (KUR'AN I HADIS)

Ovaj modul razmatra značenje Objave i sunneta. Ovi termini će biti detaljno objašnjeni u različitim varijantama vezanim za razvoj znanosti Kur'ana i islamske tradicije sunneta. Bit će predstavljena i neka moderna tumačenja ovih temeljnih islamskih tekstova. U program su uključene sljedeće teme:

1. Značenje Kur'ana i njegova definicija
2. Glavne teme Kur'ana
3. Stil Kur'ana
4. Tradicija pamćenja i učenja Kur'ana
5. Riječ Božija, izvor znanja i akcije
6. Porijeklo i razvoj Tradicije
7. Način prijenosa i proučavanja sunneta u doba Poslanikovog, a.s., života i njegovih ashaba
8. Temeljni pojmovi i pitanja hadiske nauke

Literatura

1. Jusuf Ramić, *Tefsir historija i metodologija*, FIN, Sarajevo, 2001, str. 3-12.
2. J. Ramić, *Povodi objave Kur'ana*, Starješinstvo IZ, Sarajevo, 1984, Uvodni dio.
3. F. Rahman, *Duh islama*, Prosveta, Beograd, 1983, str. 89-104.
4. M. Hamidullah, *Muhammed a.s II*, N.Smailagić, Zagreb, 1977, str. 39-74.
5. Enes Karić, *Semantika Kur'ana*, Bemust, Sarajevo, 1998.
6. M.M. El-A'zami, *Historija Kur'anskog teksta- Komparativna studija sa Starim i Novim zavjetom*, El-Kalem, Sarajevo, 2014.
7. Omer Nakičević, *Uvod u hadiske znanosti*, 3. dopunjeno izdanje, FIN, Sarajevo, 1997.
8. Jusuf Karadavi, *Razumijevanje sunneta: metodološke smjernice i pravila*, Bemust, Sarajevo, 2001.
9. Adnan Silajdžić, *40 hadisa sa komentarom*, El-Kalem, Sarajevo, 2017.
10. Jonathan A.C. Brown, *Hadis: naslijeđe vjerovjesnika Muhammeda*, (prijevod s engleskog: Azra Mulović), Centar za napredne studije i El-Kalem, Sarajevo, 2016.
11. Zuhdija Hasanović, *Studije o dimenzijama sunneta*, Centar za napredne studije, Sarajevo, 2018.

II KRATAK PREGLED HISTORIJE ISLAMA

Ovaj modul daje kratak pregled 14 stoljeća islamske historije: glavna razdoblja, događaje, ličnosti, teme i procese. Pređeno gradivo trebalo bi omogućiti učesnicima programa lakše praćenje sadržaja ostalih modula. Sadržaji koji su uključeni u program:

1. Rana historija islama, poslanik Muhammed, a.s.
2. Prva četverica halifa
3. Historija islamske civilizacije 660 – 1700.
4. Historija islamske civilizacije od 1700. – danas

Literatura

1. Ansary, Tamim, *Ometena sudbina : historija svijeta u očima muslimana*, Sarajevo: Centar za napredne studije, CNS, 2020.

III ISLAMSKO PRAVO (Osnovni termini, Historijski razvoj, Islamsko pravo u savremenim društvima i zaštićene vrijednosti i fetve)

Cilj ovog modula jeste da studente upozna s porijeklom i prirodom islamskoga prava, njegovim historijskim razvojem i mehanizmima primjene u muslimanskim društvima. Modul Islamsko pravo uključuje sljedeća pitanja:

1. Pojam i izvori islamskoga prava
2. Ciljevi islamskoga prava
3. Pregled razvoja islamskog prava (periodizacija)
4. Glavne pravne škole u islamu
5. Primjena islamskoga prava u savremenom kontekstu
6. Neka aktuelna pitanja u islamskom pravu.

Literatura

1. Seid Ramadan, *Islamsko pravo, izvor i razvoj*, preveo Fikret Karčić, (Sarajevo: Starješinstvo IZ Bosne i Hercegovine, Hrvatske i Slovenije, 1984.) 17-37.
2. Ibrahim Džananović, *Idžtiħad u prva četiri stoljeća islama*, (Sarajevo: Fakultet islamskih nauka, 1999.) 9-21, 61-81.
3. Enes Ljevaković, *Analogija (qijas) u teorijskopравnim djelima Mustafe Ejubovića Šejh Juje*, neobjavljena doktorska disertacija, (Sarajevo: FIN, 2002.) 74-84, 92-93.
4. Fikret Karčić, *Studije o šerijatskom pravu*, (Sarajevo: Bemust, 1997.) 11-18, 107-126.
5. Fikret Karčić, *Istorija šerijatskog prava*, (Sarajevo: Fakultet islamskih nauka, 1997.) 21- 117.
6. Fikret Karčić, *Šerijatsko pravo u ustavima savremenih muslimanskih zemalja, Šerijatsko pravo u savremenim društvima*, priredili Fikret Karčić i Enes Karić, (Sarajevo: Pravni centar Fond otvoreno društvo BiH, 1998.) 9-38.
7. Fethi Osman, *Džihad: Legitimna borba za ljudska prava, Ljudska prava u kontekstu islamsko-zapadne debate*, priredio Enes Karić, (Sarajevo: Pravni centar Fond otvoreno društvo BiH, 1996.) 213-229.

8. *Kairska deklaracija o ljudskim pravima, Ljudska prava u kontekstu islamsko-zapadne debate*, priredio Enes Karić, (Sarajevo: Pravni centar Fond otvoreno društvo BiH, 1996.) 275-283.
9. Abulhasan Beni Sadr, *Kur'an i ljudska prava*, (Sarajevo: El-Kalem, 1990.) 93-149.
10. Ibrahim Džananović, *Ljudska prava u islamu*, referat podnesen na Simpoziju o ljudskim pravima u Gracu.
11. Mohammad Hashim Kamali, *Uvod u šerijatsko pravo*, (Sarajevo, El-Kalem i CNS, 2015.) 89-122, 285-302.

III/1 PRAVA ŽENE IZ ISLAMSKE PERSPEKTIVE

Ovaj modul tretira ključna pitanja vezana za prava žene u islamskoj perspektivi, primarno kroz temeljne izvore islama te razmatra pitanja humanizacije odnosa među spolovima u islamu.

Modul uključuje sljedeća pitanja:

1. Mjesto i uloga žene u temeljnim izvorima islama
2. Humanizacija odnosa među spolovima u islamu
3. Savremene debate o poziciji žene u islamu

Preporuke za čitanje

1. S.H. Nasr, "Žena u porodici i društvu", *Srce islama*, El-Kalem, Sarajevo, 2002.
2. M. Fethi Osman, "Žena muslimanka u porodici i društvu", *Ljudska prava u kontekstu islamsko-zapadne debate*, Pravni centar Fond otvoreno društvo BiH, Sarajevo, 1996.
3. Haifaa A. Jawad, *The Rights of Women in Islam An Authentic Approach*, MACMILLAN PRESS LTD 1998.
4. Fatima Mernissi, *The Veil and the Mail Elite: A Feminist Interpretation of Women's Rights in Islam*, trans. Lakeland Mary Jo, Addison-Wesley, New York, 1991.

IV UVOD U ISLAMSKO UČENJE O BOGU, SVIJETU I ČOVJEKU

Ovaj modul nudi kratki pregled sadržaja šest temeljnih članaka (principa) religije islama. To će biti popraćeno relevantnim tekstovima i interpretativnim teološkim tokovima iz klasične i savremene literature. Kada god bude nužno, ponudit će se i usporedba sa judeo-kršćanskim religijskim i teološkim učenjem. Sadržaji koji su uključeni u program:

Islamsko učenje o Bogu (religijska metafizika i kosmologija)

5. Islamsko učenje o melekima (angelologija)
6. Islamsko učenje o Svetim Knjigama (revelacija)
7. Islamsko učenje o Božijim poslanicima (profetologija i teološka antropologija)
8. Islamsko učenje o Posljednjem Danu (eshatologija)
9. Islamsko učenje o predodređenju.

Literatura

1. Hafizović, Rešid, *Stubovi islama i džihad*, Conectum, Sarajevo, 2015.
2. Hafizović, Rešid, *Teološki traktati 1 – O načelima islamske vjere*, Bemust, Sarajevo, 1996.
3. Nasr, Seyyed Hossein, *Srce islama, trajne vrijednosti za čovječanstvo*, El-Kalem, Sarajevo, 2002.
4. Murata, Sachiko, Chittick, William C., *Vizija islama*, Conectum, Sarajevo, 2019.
5. Silajdžić, Adnan, *40 hadisa sa komentarom*, Fakultet islamskih nauka u Sarajevu i El-Kalem, Sarajevo, 2005.

V UVOD U ISLAMSKU FILOZOFIJU

Ovaj modul predstavlja jednostavni pregled povijesnih okolnosti nastanka i razvitka islamske filozofije, te najvažnijih tema i figura u njenom klasičnom periodu. Također će biti dat presjek ključnih magistrala u modernom islamskom mišljenju.

1. Koncepti “osamljivanja” u klasičnoj islamskoj filozofiji
2. Savremeni trendovi u muslimanskom mišljenju

Literatura

1. Daniel Bučan, *Uvod u arapsku filozofiju*, Filozofski fakultet u Splitu, Split, 2013.
2. Danijel Bučan, *Kako je filozofija govorila arapski*, Demetra, Zagreb, 2009., uvodno razmatranje
3. Rahman, Fazlur, *Duh islama*, OOUR Izdavački zavod “Jugoslavija”, Beograd, 1983.
4. Orhan Bajraktarević, *Sarajevski uvod u arapsku filozofiju*, El-Kalem, Sarajevo, 2016.
5. Ibn Tufayl, *Živi sin Budnoga*, Veselin Masleša, Sarajevo, 1985.
6. Kadić, Samedin, “Koncepti osamljivanja u klasičnom muslimanskom mišljenju”, *Društvene i humanističke studije – DHS*, 2 (11), 2020.
7. Kadić, Samedin, *Islam i savremenost: Moderno muslimansko mišljenje*, El-Kalem, Sarajevo, 2024.

VI HISTORIJA MUSLIMANSKE KULTURE BOSNE

Ovaj modul će polaznike uvesti u osnovne pojmove, pitanja, rasprave i sadržaje muslimanske kulture Bosne od srednjovjekovnog doba do danas.

1. Uvod: neki pojmovi i pitanja; Porijeklo bosanskih muslimana i vjerska preobraćenja u Bosni u osmanskome periodu (I. dio)
2. Porijeklo bosanskih muslimana i vjerska preobraćenja u Bosni u osmanskome dobu (II. dio)
3. Svakodnevni život u Bosni osmanskog doba
4. Pisana i usmena kultura
5. Izazovi modernosti (I. dio): od Austro-Ugarske do socijalističke Jugoslavije

6. Izazovi modernosti (II. dio): rat 1992-95. kao rat protiv Bosne; XXI st.

Literatura

1. Aleksov, Bojan. "Poturica gori od Turčina: srpski historičari o verskim preobraćenjima" u: *Historijski mitovi na Balkanu, zbornik radova, posebna izdanja, knjiga 1*, ur. Husnija Kamberović, Sarajevo, Institut za istoriju, 2003, str. 225-258.
2. Bejtić, Alija. "Lični i kućni komfor u Bosni i Hercegovini XVIII vijeka", *Jugoslovenski istorijski časopis* 3-4 (1974), str. 147-167.
3. *Bosanska ćirilčna pisma*, ur. Lejla Nakaš, *Forum Bosnae* 53-54 (2011), str. 5-32. (izbor pisama).
4. "Bosanske muslimanske rasprave za i protiv obnove i reforme u XX stoljeću" u: *Bosansko muslimanske rasprave*, priredio Enes Karić, Sedam, 2003.
5. "Bošnjačka epika je jači svjedok od pisane historije", ekskluzivni interview s prof.dr. Zlatanom Čolakovićem u: Čolaković, Zlatan and Marina Rojc-Čolaković, eds., *Mrtva glava jezik progovara* (Podgorica: Almanah, 2004), str. 499-508.
6. Filan, Kerima. *Jezik kao stvarnost: Sarajevo u Bašeskijino doba*, Sarajevo, Connectum, 2014.
7. Filipović, O. Emir. *Bosansko kraljevstvo i Osmansko carstvo (1386-1463)*, Orijentalni institut Univerziteta u Sarajevu, 2019.
8. Hadžijahić, Muhamed i dr. *Islam i muslimani u Bosni i Hercegovini*, Sarajevo, 1994.
9. Karčić, Fikret. *Bošnjaci i izazovi modernosti: kasni osmanlijski i habsbuški period*, El-Kalem, Sarajevo, 1425/2004.
10. Kursar, Vjeran. "Živjeti krstjanski pod turskim gospodstvom: Osmansko carstvo u djelima bosanskih franjevaca 18. stoljeća", *Zbornik radova sa znanstvenog skupa Matija Divković i kultura pisane riječi II*, 2017, str. 449-475.
11. Lovrenović, Ivan. "Privremeni nestanak Bosne: 'Nezavisna Država Hrvatska' 1941-45" u: *Unutarnja zemlja: kratki pregled kulturne povijesti Bosne i Hercegovine*, str. 169-177.
12. Mahmutćehajić, Rusmir. *O antibosanstvu: muke život u tuđim predstavama*, Connectum, 2018.
13. Malkolm, Noel. *Bosna: kratka povijest*, Buybook, Sarajevo, 2001.
14. Nakaš, Lejla. "Sveti duh Paraklet u bosanskom apokrifnom tekstu: prijepis arebicom iz 17. stoljeća", *Forum Bosnae*, 56 (2012), str. 129-148.
15. Sells, Michael. *Iznevjerni most: religija i genocid u Bosni*, Sedam, 2002.
16. Todd-Aščerić, Ines. "The Noble Traders: the Islamic Tradition of 'Spiritual Chivalry' (futuwwa) in Bosnian Trade-guilds (16th-19th Centuries)", *Muslim World*, 97/2 (2007), str. 159-173.



VI/1 ULOGA INDIVIDUALNE VJERE U IZGRADNJI MEĐUETNIČKE TOLERANCije U BiH IZMEĐU RELIGIJSKIH IDEALA I BH. STVARNOSTI

Pitanje načina na koji religije i religijske zajednice na prostoru BiH mogu doprinijeti izgradnji međuetničkog suživota i tolerancije na prostoru BiH tema je koja već godinama zaokuplja kako istraživače tako i, općenito, društvo u BiH. Isto se, nažalost, ne može kazati i za individualnu vjeru odnosno religioznost kao lično ozbiljenje i osvjedočenje svetog koje ima svoje društvenopsihološke značenje i izričaje, uključujući i odnos prema “drugom” i “drugačijem”. Cilj modula/predavanja je skrenuti pažnju na ovakav, po mnogima suštinski najvažniji, pristup u razumijevanju duhovnog potencijala u kontekstu međureligijskih i međuetničkih odnosa u BiH, ukazujući pritom na njegove mogućnosti ali i izazove gledano iz perspektive socio-psihološke nauke. Modul će stoga tematizirati aktualne pristupe u razumijevanju općenito društvene uloge religije i religioznosti s posebnim osvrtom na međugrupnu toleranciju, socijalno-psihološku teoriju međugrupnih odnosa i u društvenoj nauci najčešće korištene modele za razumijevanje odnosa između religioznosti i međuetničkih odnosa.

Osnovna literatura

Smajić Aid, *Religioznost i međuetnička tolerancija u Bosni i Hercegovini* (Sarajevo: FIN i El-Kalem, 2017), str. 11-63, 121-126.

Dodatna literatura

1. Majstorović Danijela i Turjačanin Vladimir (Ur.), *U okrilju nacije* (Banja Luka: Centar za kulturni i socijalni popravak, 2011).
2. Majstorović Danijela and Turjačanin Vladimir, *Youth Ethnic and National Identity in Bosnia and Herzegovina: Social Science Approaches* (UK: Palgrave Macmillan, 2013).

VII SAVREMENO ISLAMSKO MIŠLJENJE U BiH

Cilj je ovog modula dati kratki historijski pregled islamskoga mišljenja u BiH, navesti najznačajnije predstavnike i pitanja u savremenom islamskom mišljenju u BiH. U modulu će biti obrađena sljedeća pitanja:

1. Institucionalni centri islamskoga mišljenja
2. Islamsko mišljenje u BiH na razmeđu staroga i novoga (1878-1945)
3. Debate bosanskih muslimana o reformama i obnovi u 20. stoljeću
4. Islamsko mišljenje u BiH u socijalističkom periodu (1945-1990)
5. Savremeni razvoj islamskoga mišljenja u BiH (1990. do danas)
6. Kur'anske studije u BiH u 20. stoljeću.

Literatura

Enes Karić, *Islamsko mišljenje u BiH u XX stoljeću*, El-Kalem (2004.).

VIII ISLAMSKE INSTITUCIJE U BIH

Ovaj modul je zamišljen da učesnicima približi historijski razvoj i organizacionu strukturu Islamske zajednice u BiH, njene obrazovne i vakufske institucije, sufijske redove i titule koje se koriste za označavanje muslimanskih učenjaka. Ovaj modul sadrži sljedeće teme:

1. Historijski razvoj IZ-e u BiH (1882-2002)
2. Današnja organizaciona struktura IZ-e
3. Ulema, Reisu-l-ulema, muftija, muderris, imam, hatib, muallim, kadija, itd.
4. Obrazovne institucije Islamske zajednice: medrese, Islamski pedagoški fakulteti, Fakultet islamskih nauka, Gazi Husrev-begova biblioteka
5. Vakuf (definicija, tipovi i uloga, sadašnja situacija, pitanje restitucije)
6. Sufijski redovi u BiH.

Literatura

1. Enes Durmišević, *Uspostava i pravni položaj Rijaset islamske zajednice u Bosni i Hercegovini 1882-1899*. (Sarajevo; Magistarski rad, 2002) str. 173-181.
2. Mustafa Imamović, *Islamska zajednica u Bosni i Hercegovini i bivšoj Jugoslaviji*: (Sarajevo, Glasnik br. 1-2, Vrhovno islamsko starješinstvo, 1992,) str. 90-101.
3. *Ustavi Islamske zajednice*: (zadnji Ustav od 26. 11. 1997., Sarajevo, Rijaset islamske zajednice, 1422/2001.) str. 347-367.
4. Omer Nakičević, *Istorijski razvoj institucije Rijaset*: (Sarajevo, Rijaset islamske zajednice 1996), str. 45-58. 5. Fikret Karčić, *Istorija šerijatskog prava*: (Sarajevo, Islamski teološki fakultet, 1992.), str. 125-138.
5. Mustafa Hasani, *Uloga muftije i fetve u društvenom i vjerskom životu muslimana Bosne i Hercegovine*: (Magistarski rad, Sarajevo; Fakultet islamskih nauka 2001.), str. 7-9 i 2328.
6. Ibrahim Džananović, *Vakufi u svjetlu islamskih propisa*: (Sarajevo, Anali Gazi Husrevbegove biblioteke, knjiga IX-X 1983.), str. 9-16.
7. Fikret Karčić, *Međunarodno pravno regulisanje vakufa u jugoslovenskim zemljama*: (Sarajevo Anali Gazi Husrevbegove biblioteke, knjiga IX-X 1983.), str. 141-153.
8. Džemal Čehajić, *Društveno politički, religiozni, književni i drugi aspekti derviških redova u jugoslovenskim zemljama*: (Sarajevo, POF, br. 34/1984; 1985.), str. 93-113.
9. Fikret Karčić, *Šerijatski sudovi u Jugoslaviji 1918-1941*: (Sarajevo, VIS, 1986.), str. 33-47.

Profesori predavači na ovogodišnjem kursu “Uvod u izučavanje islama”:

Nastavnici i saradnici Fakulteta islamskih nauka.





UNIVERZITET U SARAJEVU
FAKULTET ISLAMSKIH NAUKA U SARAJEVU

Fakultet islamskih nauka, Čemerlina 54, Sarajevo 71000, Bosna i Hercegovina
Tel.: 033 251 011 • Faks: 033 251 044
Web: <https://fin.unsa.ba/uvod-u-izucavanje-islama/>
E-mail: isi@fin.unsa.ba



Uvod u izučavanje islama/Introduction to the Study of Islam